

四庫全書

史部

欽定四庫全書

史部

江西通志卷四十二

詳校官監察御史臣左周

檢討臣德生覆勘

總校官知縣臣楊懋珩

校對官中書臣高 中

謄錄監生臣劉廷勳

欽定四庫全書

江西通志卷四十二

古蹟

九江府

康王城述異記廬山上北嶺有城號康王城天雨聞鼓
角之聲傳云周康王好音累尋名山故有康王之號
古彭澤縣府志在縣東三十里漢置晉隋因之唐武德
五年改彭澤為浚州遷於浚山下今彭澤鄉

柴桑故城明一統志在府城南九十里漢置屬豫章郡
隋改為湓城即今楚城驛是其址述異記尋陽柴桑
縣城晉永和有童謠呼為平石城時人僉謂平滅
石晉之徵也桓玄篡位晉帝為平固王恭帝為石陽
公俱遷於此城

趙屯城太平寰宇記在彭澤縣東北二百五十七里典
籍不載古老相傳趙屯城

廢九江縣豫章書在府境晉元帝置後省

廢上甲縣明一統志在彭澤縣境晉置義熙中省入彭澤

半洲故城元和郡縣志在府城西九十里按吳將孫慮黃武二年出鎮於此築城

懷玉城名勝志在府城西一十五里本漢尋陽縣其城晉孟懷玉所築隋因水患移入城為附郭今名故州彭蠡湓城皆其地也

郡南古城述異記尋陽張允家在本郡郡南有古城張

少貧約屢往遊憩忽有一老父來與張言因問之此
城何名答曰吾不知為南郡城耳張後出官為南郡
太守即以城號以志老父之言焉

古太原郡城太平寰宇記在彭澤縣東北五十里按顧
野王輿地志太原郡梁武帝立屬尋陽領晉陽天水
和城三縣陳亡廢

廢天水縣太平寰宇記在彭澤縣東五十里按顧野王
輿地志天水縣梁武帝置以擬西水縣隋平陳廢入

彭澤

廢和城縣太平寰宇記在彭澤縣東北二百二十里按
顧野王輿地志和城縣江左立屬汝南郡齊之廬江
南頓亦有和城屬太原郡至隋平陳併入彭澤

廢晉陽縣太平寰宇記在彭澤縣東北一百九十四里
按顧野王輿地志晉陽縣梁武帝立屬太原郡隋平
陳併入彭澤

廢龍城縣太平寰宇記在彭澤縣西二里隋平陳後置

至開皇十八年又改為彭澤縣

廢樂城縣太平寰宇記在彭澤縣南三十九里縣城傍
山為之南北高峻東西平下隋大業十三年賊帥張
善安據嶮唐武德五年縣平屬涪州至八年省州及
縣併入彭澤

廢楚城縣太平寰宇記唐武德五年置屬江州貞觀八
年省入尋陽豫章書在德化縣

涪州城豫章書在彭澤縣涪山下唐初李大亮奏置後

廢

匣劍城程杲九江郡治正對廬山之雙劍峯乾道中蜀人唐立方為守謂昔曹翰嘗屠此州後李成亦嘗入郭皆雙劍之崇乃闢譙樓前隙地築為二城夾樓而矗其上謂之匣劍云

歇馬臺明一統志圖經云始皇至廬山歇馬於此

按前志所采九江古蹟如巢湖故城為今江北廬州巢縣乃秦漢九江郡地與此無涉虎渡亭清風

金... 卷四十二
閣為漢九江郡太守宋均而作齊雲樓乃均守九江郡時所自建皆非今九江也昔人附會前志因而誤采今削

瑞井潯陽記益城漢灌嬰所築孫權經此城自立標令人掘井得銘曰頽陰侯所開三百年當塞不滿百年為應運者所開權忻以為瑞井江中風浪井水輒動名勝志在九江府庾樓側亦名浪井

置馬亭後漢書郡國志注潯陽有置馬亭劉勰士衆散

處

稽亭潯陽記稽亭北瞰大江南望高嶽淹留遠客因以
為名

陶公壘元和郡縣志咸和四年後將軍郭默殺平南劉
映叛於此陶侃討默築以攻之默乃以布囊盛米為
壘以應陶今稱云陶公壘豫章書在府城東北亦名
郭默城

飛魚遙潯陽記去府城西二里晉義熙中吳隸為魚塞

於雲湖中有人語之曰晚有大魚攻塞切勿殺隸許
之須臾有大魚至羣魚從之同侶誤殺大魚是夕風
雨暝晦羣魚悉飛上木間因名為飛魚逕

石泉碑明一統志在德安縣北四十里葛洪山晉時洪
見田有蛭害人為書符錄於石置之田畔蛭遂不生
石刻見在

陶公舊宅名勝志在府西南九十里柴桑山晉史陶潛
家於柴桑即今之楚城鄉也去宅北三里許有靖節

墓唐白居易有訪陶公舊宅詩

翫月臺明一統志在湖口縣東三十里晉陶潛為彭澤令時築以翫月臺南有洗墨池乃潛所鑿以滌硯者元吳澄記靖節先生家潯陽之柴桑嘗為彭澤令後析彭澤創湖口縣湖口亦彭澤也故其境內往往有遺跡為靖節讀書之地望月臺遺跡猶存

龍泉庵輿地紀勝在德化縣南三十二里晉江州刺史桓伊為遠法師建周景式廬山記山西有龍泉精舍

初遠法師遣諸道人行卜地息此而渴法師因以杖
扞地即泉湧出天旱法師令道人讀龍王經泉中有
物如蛇而出角騰空中去須臾而雨

遠公講經臺朱子詩注東過佛手巖石室嵌空中有井
泉僧緣崖結架以居下臨錦繡谷又有石榻名遠公
講經臺

雁門市陸游記東西二林之中有小市曰雁門市傳者
以為遠公雁門人遂彷彿雁門邑里作此市

三笑亭名勝志虎溪在東林寺前上有三笑亭遠公送客不過此溪過則虎輒鳴吼他日送陶淵明陸修靜不覺過虎溪忽作聲三人愕然大笑而別唐李白詩東林送客處月出白猿啼笑別廬山遠何須過虎溪宋蘇長公書三笑圖後近於士人處見石恪畫此圖三人者皆大笑至於冠履衣服手足皆有笑容其後三小童罔測所謂亦大笑贊云彼三士者得意忘言盧胡一笑其樂也天嘆此小子麋鹿狙猿爾各何知

亦復粲然萬生紛綸何鄙何妍各笑其笑未知孰賢
白蓮亭林志在廬山謝靈運與慧遠鑿池種白蓮因名
水壺亭林志在廬山東林寺晉慧遠法師建以覆水壺
泉者

蓮花漏遠法師年譜弟子慧要立芙蓉十二葉於溪泉
上因波流轉以定十二時謂之蓮花漏

錦繡谷明一統志在天池峯下去府城西南六十里晉
遠公種藥處

翟法賜石室南史法賜潯陽柴桑人少守家業立室廬
山喪親後不復還家徵辟一無所就後家人至石室
尋求因復遠徙遁跡幽深卒於巖石門

劉遺民禪室桑疏在香谷北澗上

按南史劉遺民陶淵明周續之謂之潯陽三隱

宗少文舊宅南史宗炳妙善琴書圖畫精於言理每遊
山水輒忘歸入廬山就釋慧遠考尋文義孫測亦有
祖風在廬山止祖少文舊宅廬山志在東林寺側

遠公影堂廬山志在東林寺唐大中八年李演撰有遠
法師影堂碑文

十八高賢影堂廬山志在東林寺十八高賢傳法師慧
遠雁門樓煩人法師慧永河內人慧持遠公同母弟
道生鉅鹿人曇順黃龍人僧叡冀州人道昞潁川人
曇詵廣陵人曇恒河東人道敬琅邪王凝之孫佛馱
耶舍蜀賓國人佛馱跋陀羅迦維羅衛國人劉程之
字仲忠彭城人張野字萊民居潯陽柴桑周續之字

道祖雁門人張詮字秀實野族子宗炳字少文南陽人雷次宗字仲倫南昌人

庾樓明一統志晉庾亮刺江州時建樓下有舒嘯堂元羅公叔庾樓詩自注在江州九江門城上文德翼重建庾樓記九江郡治後有庾樓焉背負匡廬面臨大江

繙經臺廬山志分水嶺塔院西謝靈運繙經處也相傳靈運以北本涅槃經繙為南本凡三十二卷

檀道濟壘豫章書在府城境

百花亭明一統志在府城東梁刺史邵陵王綸所建元
帝有百花亭懷荆楚詩

離垢園南史彭城劉慧斐為梁安成王法曹參軍嘗還
都道經潯陽遊於匡山過處士張孝秀相得甚歡遂
有終焉之志因不仕居東林寺又於山北構園一所
號曰離垢園時人稱為離垢先生

張孝秀隱居南史孝秀字文逸南陽人初入匡山修行

學道服闋建安王召為別駕因去職歸山居於東林寺有田數十頃部曲數百率以力田盡供山衆遠近歸慕赴之如市

劉仙石祖無擇詩神仙不死石常存萬古千秋表洞門人欲求真好修煉莫徒將杖扣苔痕注云在江州太平興國觀

白鹿昇仙臺明一統志在天池寺側舊傳嘗有白鹿於此上昇因名

潯陽樓白居易題潯陽樓詩大江寒見底匡山青倚天
深夜盈浦月平旦香爐烟

潯陽竹亭獨孤及記尚書右司郎中盧公因數仞之邱
伐竹為亭高出林表可用遠望欲其蹟之可久故命
子為志

望江樓白居易望江樓詩江畔百尺樓樓前千里道憑
高望平遠亦足舒懷抱驛路使憧憧關防兵草草及
茲多事日尤覺閒人好

白雲亭明一統志在彭澤縣南十五里唐狄仁傑宰彭澤值歲旱奏免本年租稅又有縱囚寧家之政民德之建祠立亭

祖亭歐陽詹集魯國顏公頊為湖州牧州產碑材公珍之載石次江州蛟奔螭引直至湖心則茂林峭石勢環氣勝有神祠曰祖將軍廟在焉出錢五萬造亭名曰祖亭製文勒碑以紀其事

九疊樓名勝志在府治後一百二十餘步唐長慶間李

渤為刺史時建因對廬山九疊故名

快觀亭林志在德化縣治東景星書院後唐李渤辭徵
名韓退之以書勸之有景星鳳凰爭先觀之為快之
語因以為名

高遠亭林志在府治東唐李渤建每一登覽江中景物
俱在目中

遺愛草堂唐侍御鄭弘憲所居見韋應物詩廬山志即
遺愛寺

鎖江樓榆墩集自琵琶亭址右數百步為迴龍塔其左

有鎖江樓

盧郎中齋居李華記尚書左司郎中盧振字子厚處於
九江南郭荒榛之下今堆墀填窪竄書堂齋亭成於
指顧高松茂篠森於門巷宴然燕居勝自我得

蕭郎中舊堂韓愈遊西林寺題蕭二兄郎中舊堂詩中
郎有女能傳業伯道無兒可保家偶到匡山曾住處
幾行哀淚落烟霞廬山志西林寺側有蕭存隱居桑

疏蕭存者丈元先生蕭穎士之子也任為金部員外郎以惡裴延齡棄官歸廬山

白司馬故宅玉海宋祥符三年十二月癸卯令江州修白居易舊第以廬山有居易草堂江州有故宅畫像猶存故命葺之

崔使君新樓長慶集居易以元和中貶江州司馬時刺史崔某起新樓於庾樓故基因作崔使君新樓詩夏入何處可銷憂碧甃紅欄溢水頭從此潯陽風月夜

崔公樓替庾公樓

北林院名勝志庾樓下有水亭月榭涼廳燠室山礪石池號北林院言可以分東西二林之勝也

白樂天草堂明一統志元和中白居易貶江州司馬喜曰匡廬在念久矣今得青山綠水中為風月主人乃築草堂於香爐峰北以自適其自記云山北峰曰香爐寺曰遺愛介峯寺間其境絕勝因而峯腋寺作為草堂朱子山北紀行詩注白公草堂基在東林寺東

久廢近歲復創數椽制殊狹陋然亦非其正處矣

北亭名勝志在城北隅與匡廬相對白居易詩廬宮山
下州湓浦沙邊宅宅北倚高岡迢迢數千尺上有青
青竹竹間多白石茅亭居上頭豁達門四闕前楹卷
簾箔北牖施牀席江風萬里來吹我涼浙浙日高公
府歸巾笏隨手擲脫衣恣搔首坐卧任所適時傾一
杯酒曠望湖天夕口詠獨酌謠目送歸飛翮慚無出
塵操未免折腰役偶獲此閒居謬似高人跡

琵琶亭志在府城西江濱唐司馬白居易送客湓浦
口夜聞鄰舟琵琶聲問之乃長安娼女嫁於商人乃
為作琵琶行後人因以名亭蘇轍有琵琶亭詩明萬
曆間兵道葛寅亮別創潯陽驛西尋燬

國朝雍正七年副使劉均重建自為記布政使李蘭有
和琵琶行原韻詩載藝文

浸月亭志在府城西甘棠湖中有土墩圓如月唐白
居易作亭其上後人因其別時茫茫江浸月之句而

名

白司馬花選廬山紀遊在大林寺前樂天曾遊於此於
四月見桃花集中有詩序

西林草堂全唐詩姚合劉得仁俱有和厲侍御題戶部
李相公西林草堂詩

文殊臺名勝志大林峯北為擲筆峯有瀉油定心二石
上有文殊臺唐會昌間毀寺東林二僧藏晉文殊瑞
像於此輿地紀勝文殊臺產白石英名菩薩石

魯望亭名勝志在彭澤縣馬當山之麓唐陸龜蒙遊
江湖寓此故名

栖賓亭皮日休記距彭澤東十里有山邃源奧處號曰
富陽文士李中白隱焉咸通二年八月築賓亭於寢
西向百步後五年館余於是因請以栖賓為亭名

夜話亭圓通事實寺中有夜話亭清陰亭歐陽永叔與
居訥談道處桑疏亭後廢僧崇裕又改作歐亭於方
丈東歐陽圭齋有詩并序

一翁二季亭圓通事實嘉祐中老蘇與二子寓圓通寺
僧為建一翁二季亭桑疏亭廢後僧崇裕又作蘇亭
於方丈西

佚老堂蘇軾詩我從廬山來目送孤飛雲路逢陸道士
知是千歲人試問當時友虎溪已埃塵似聞佚老堂
知是幾世孫能為五字詩仍戴漉酒巾人呼小靖節
自號葛天民參寥集陶驥字子駿九江人以宣德郎
致仕

詠夸亭樂城集詠夸亭詩為江州周寺丞作

倚天閣林志在府治東對雙劍峰宋張孝祥命名

壺中九華蘇文忠詩序湖口人李正臣蓄異石九峰玲瓏宛轉若空櫺然予欲以百金買之與仇池石為偶方南遷未暇也名之曰壺中九華且以詩紀之宋人詩話李正臣有刻石碑本九峰排列如雁齒不甚峭崿石腰有白脈如束絲帶此石之病不知東坡先生何以酷愛之

肘後屏風豫章集湖口民李正臣得奇石九峰相倚蘇
子瞻戲名曰壺中九華又有老坐鄒生以三奇石隨
高下體著成屏風三疊余戲名曰肘後屏風他日湖
中石百怪並出當以此兩石為祖云

惜竹軒明一統志在宮亭湖邊宋秦觀嘗宿此軒夢神
女贈詩曰不知水宿分風浦何似秋眠惜竹軒聞道
文章妙天下廬山對面可無言

濂溪故居豫章集春陵周茂叔中年乞身老於湓城有

水發源於蓮花峰下潔清紺寒下合於湓江樂之築
屋其上名曰濂溪蓋取故里之川以名云朱子記遺
墟在九江郡治之南十里淳熙丙申太守潘慈明通
守呂勝已復作堂其處揭以舊名桑䟽在蓮花峰下
先風霽月亭朱子山北紀行詩注四月六日拜濂溪先
生書堂遺像子澄請為諸生說太極圖義先生之曾
孫正卿彥卿元孫濤為設食於先風霽月之亭廬山
志在濂溪祠桑䟽晦翁建亭後燬明弘治中僉事王

啟更建濯纓交翠愛蓮光霽四亭自為記

生意堂名勝志在府治後周濂溪先生領江州提刑時
創憲前草不除人問之曰與自家意思一般因扁曰

生意堂

濂溪太極樓見宋樂雷發詩

烟水亭林志在甘棠湖隄上宋周元公子司封郎官壽
建取山頭水色薄籠烟之義名焉施閨章記湖中高
阜舊有亭曰烟水樓曰鏡波為士大夫詠遊處亂後

十餘年無人跡矣康熙庚子員外郎崔君正誼司榷
來得集工度木構亭及樓咸復舊規

清虛庵明一統志在廬山宋紹興中皇甫坦賜隱廬山
高宗名其所居曰清虛庵光宗在東宮日嘗問坦山
中所乏坦曰但水差遠光宗因大書神泉二字遺之
云持歸以意鑿一泉坦乃於庵側穿一小井甫施畚
鍤而泉已湧

甲秀堂文德翼求是堂集宋陳氏廬山甲秀堂所藏帖

與書號為天下第一

疊翠亭林志在府城南五十里宋岳飛建以對廬山九

疊故名

八角石府志元李忠文公黼死節處徐壽輝陷江州黼
與巷戰賊刺墮馬死遂葬於此周圍石欄至今尚在
清燕堂林志在府治後宋守錢稔建吳說書額

漪嵐堂林志在德化縣治西偏宋縣令吳怡建丞相洪
适有詩

雲無心堂陸游遊廬山記至太平興國宮憩雲無心堂
蓋冷翠亭故址也溪聲如大風雨至使人毛骨寒慄
一宮之最勝處也

樞密庵陸游遊廬山記草堂之傍又有一故址云是王
子醇樞密庵基蓋東林為禪苑始於王公而照覺禪
師常總實第一祖也

授墨堂廬山志在墨仙泉初名遇仙堂宋白玉蟾有授

墨記

白蓮堂廬山志在東林寺宋謝文節枋得有修白蓮堂

疏

紫煙樓林志在府治後宋余崇龜取唐李白詩日照香
爐生紫煙為名

三賢堂林志在府治後祀陶潛狄仁傑白居易宋時建
蘇白堂廬山志在東林寺祀香山東坡者

靜虛精舍吳草廬集江州柳役龍雲卿居闌閣之中厭
喧囂之聒擇幽曠之地為葺息之廬晨省不暇飽玩

聖賢之書扁曰靜虛

一柱峯亭道園錄小孤山舊有亭在山半足以納百川
於是下覽萬里於一瞬故宋江州守臣厲文翁之所
築也距今六十三年日就圯毀延祐五年安慶通判
李維庸為新其亭而更題曰一柱峯亭集為之記
牧羊亭見虞集一柱峯亭記在小孤山上

攬秀亭林志在府南宋人所築元總管李黼重建

萬里江天亭明一統志在彭澤水驛前元大德間邑令

曹靖國建

讀書巖元王德淵碑記宋眉人石興宗振作尉於此攜
其三子就巖讀書黃太史訪興宗遂為親書三字曰
讀書巖當時名賢卿士大夫題詠旁午中經兵火委
於榛莽之墟今縣尉和公仲寬按圖經復舊觀而一
新之又構六角亭於巖之前志復古也

稽古亭林志在彭澤縣讀書崖下宋縣尉石振建後尉
焦良輔重建

匡山精舍明一統志在府治南元姚燧讀書處

聽雨軒李洞遊廬山記過聖治太平宮宿聽雨軒

御碑亭廬山志在白鹿昇仙臺南系疏御碑亭以奉安
太祖御製周顛仙碑神藻流輝煥耀雲漢丹巖翠壑
雨露生春蓋二百年於此矣亭以石構制甚宏壯

訪仙亭吳闡思匡廬紀遊去佛手崖數十步沿石壁而
行鑿山構亭曰訪仙謂顛仙也

聚仙亭吳闡思匡廬紀遊天池寺西數步有亭祀天眼

尊者周顛仙赤脚僧徐道人王陽明先生顏其額曰
聚仙

山水之間樓林志在府城西海天隄上明正德十六年
戶部主事鄒輓建枕江流面匡廬為潯陽登覽之勝
邑人柳邦傑記

觀易臺廬山志在香爐峰紫雲庵東薛應旂記薛子署
白鹿洞書院時嘗過紫雲庵庵東有巨石如砥縱橫
約三大餘終日坐於其上恍若有悟時閩中王慎中

以叅議分守是方聞之徒步過訪遂屬有司為余築
室三間題曰觀易臺

護松亭廬山志在金牛坪千佛寺大雄殿側蒼松蟠頂
如蓋明馮時可建蔡毅中書額

大林寶樹廬山志在上大林寺二株葉如刺杉而細如
瓔珞柏而長桑紀謂為娑羅木者非也娑羅葉如楓
而七出名七葉木與此不類相傳晉邪舍尊者自西
域移植其一尤大枝葉婆娑下蔭十畝解帶量之圍

三丈餘

墨竹名勝志在瑞昌縣西亭子山舊傳東坡赴黃州過
山題壁墨瀟灑竹間至今竹有墨痕人爭異之為構
東坡亭

南安府

庾將軍城元和郡縣志前漢南越不賓遣將軍庾姓討
之築城於此明一統志在府城西南二里名勝志漢
志云庾勝者梅鋗之將隸番禺君役高帝定天下使分

兵守臺嶺築城嶺上臺嶺者大庾嶺也有石平如臺
在縣南二十五里

南楚廢縣明一統志本漢縣屬豫章郡後廢為鎮
南康故城明一統志在南康縣治西南晉縣

大庾縣舊治明一統志在府城東二里宋淳化初徙縣
治於此元復今治

上猶縣舊治明一統志在上猶縣治西宋紹興間始徙
今治

卷四十二
峯山城名勝志小溪城北十五里為峯山城其人素善
弩大庾縣志正德丙子都御史王守仁選為弩手役
征徭寇事寧民恐報復築城自衛

水南城名勝志在章江南與邵城夾江而峙民居稠密
倍於郡城明嘉靖辛酉勅築南門曰梅山門外即梅
嶺路街有五里折梅亭成化間邵守張弼建

新田城鳳凰城楊梅城小溪城九所城城地志庾嶺北
四十里為新田城又五里為鳳凰城鳳凰西四十里

有楊梅城俱嘉靖四十四年築北十里為小溪城舊
有驛今遷去先十年築東五里為九所城亦四十四
年築

橫浦廢關太平寰宇記漢將軍楊僕討呂嘉出章郡下
橫浦即此處明一統志在府城西南三十里秦時關
也關外嶺峻絕關內廣谷可容寨柵疑即古入關之
路及張九齡開鑿庾嶺此關乃廢

梅關明一統志宋嘉祐中立清正集踰橫浦而南陸行

十餘里山行五六里盤迴繚曲躋於嶺巔界江廣之
交石壁對峙是為梅關名勝志闕之外南下亦峻關
之內有廣谷九柵故址隋開皇十年番禺王仲宣反
立九柵大庾嶺詔裴矩進兵擊破之即此

梅花國明一統志在大庾嶺下舊有官驛庭院甚整郡
守趙孟邁扁曰梅花國蓋自此而上嶺曲皆梅故名
橫亭吳錄南楚有山其路峻阻螺轉而上踰九蹬二里
至頂下七里平行十里至平亭平亭者橫亭也為古

入關之路

皇僊臺林志在南康縣北九日山東巔俗傳有皇甫道人於此成仙故名

尊敕樓名勝志在同知解宋司法廳掌敕令也

金蓮堂名勝志在城北金蓮山下為迎送候館內有松風壇墨花亭舞劍臺諸勝左側鐵岡上有猴獅臺一名候使臺

花雨樓名勝志去府城東南二里為東山山半西凹林

木蒼翠中有仙翁庵五山亭花雨樓

宋甲仗庫名勝志在治西中藏甲冑刀盾之屬二三百具城守雜器稱是蓋狄青收儂智高之餘物也

宋公使酒庫名勝志在治西中有芙蓉堂燕堂酒名宜城春其坊皆依酒經釀造元豐間黃庭堅典南安試貢院無酒飲周道輔自贛來攜一榼時時對酌試畢尚有餘

清虛亭林志在府治內宋大中祥符間知軍嚴肅建通

守狄棊記

延松堂名勝志在通判解內宋寶元間石曼卿書扁淳
熙戊戌軍倅胡藻文劄張九成題寶界寺柱數語嵌
於東楹名臣言行錄紹興中張子韶謫南安既至寓
軍之寶界寺結廬日與生徒講藝退則手一編倚柱
就明積久柱下焚斃雙趺隱然因自號橫浦居士題
柱以識云平生好書老來病目執書就明於此者十
有四年矣淳祐中軍倅胡元質劄其題柱去曰恐久

而壞也知軍李大正曰筆跡之壞孰與跡跡明日訪於寺則并跡亦失之

鐵漢樓彭韶記元城先生以紹聖中謫知南安軍道改提舉洪州玉隆觀本軍居住遂奉母夫人來寓寶界院未一年復徙嶺南瀕危數四東坡嘆曰真鐵漢也成化戊戌東海張弼來為守暇考圖志撤而新之題曰鐵漢盖用東坡語也

墨君樓名勝志東坡墨竹在寶界寺東廊鐘樓下有詔

韓侂胄者劔其壁函盛以獻京師因渡錢塘江溺焉
今墨君樓竹乃元人補為之者又邵治有石刻竹石
張九成跋云東坡先生自海上北歸過橫浦到常樂
戲挿竹石於壁輪囷離竒跌宕兀傲結想風月中磅
礴乎萬物之表而徜徉乎八極之外豈世間筆墨所
能到耶埋沒荒寺久矣紹興癸酉十一月郡守王徽
侔李知止恐風霜剝落命工摹刻置之邵治以傳不
朽俾范陽張九成書其後

蘇步坊名勝志南康縣治東七十步有蘇步坊蘇子瞻南遷經此過田如鰲六經堂留題因名

田氏水閣蘇文忠集予初謫嶺南過田氏水閣東南一峯豐下銳上里人謂之雞籠山予更名獨秀峯今復過戲留一絕

三面
此君堂林志在府治內郡守林椿建舊有竹千竿匣具

面面亭林志在府治內宋紹興己卯郡守趙衍之建取

昌黎詩面面看芙蓉為名

風月臺名勝志城中三臺府後堂東偏者為中臺以宋周濂溪為軍司理時程太中為通判遣二子從學於此改名風月臺嶺北道公署後為東臺侍郎劉節宅內為西臺明陳獻章應召宿風月臺詩黃菊花開又一年南山無分對陶潛不知風月隨儂否惱殺臺中此獨眠

超然臺明一統志在府城內宋建下有池多花木

尊道堂林志在府學內宋米芾書扁

忠恕堂林志在分司廳後宋李楠記

綠陰亭林志在府治內宋至道間知軍李令庚建亭側
有池竹樹森列王奇詩翔得幽亭近嶺梅綠陰名好
稱仙才四邊山色簷頭出一帶泉香竹裏來

桂華堂林志在府治內宋紹興中知軍李聞之建舊有
古桂

竹軒張九成自記子張子謫居大庾借僧居數椽閱七

年卽東窓種竹數竿為讀書之所因榜之曰竹軒

聯瑞堂林志在府治東按察分司內宋紹興間通判邵
拱建以三見池蓮並花故名

綠微臺名勝志在南康縣治內宋相陳升之父為主簿
時以石甃臺建亭其上扁曰綠微紹興中邑宰劉將
之易名陳公臺

旭嶺書臺府志在南康縣北九日山宋陳升之宰邑時
築山椒有旭亭

損秀亭林志在府治內雙秀諸峯拱揖於前宋淳熙間
知軍李大正建

雲章閣林志在府學東宋淳熙間建以貯經籍者理宗
書道源書院四字賜額

種德堂徐清正記金華徐杲明仲為南安郡理官政成
課最上有日矣扁其堂曰種德詩以自見而委鹿卿
為記

橫浦亭徐清正詩巋然一亭石境界涵幽清李侯昔經

始扁以橫浦名

曾氏清江亭徐清正集亭有無垢澹庵真跡

愛山堂徐清正詩序愛山堂大庾之西館也始名裕氏
繼超然近世浚儀趙君為令始易今扁南安居嶺北
環城大抵皆山而面勢局隘以偏惟斯堂對五侯峯
太平山圍繞於後如蓮幕中坐連觀踈林前橫溪流
映帶一佳處也

字民銘林志在南康縣治宋度宗製并書刻於石末云

咨爾令長守而勿墜宣朕實意斯為愷弟

金鰲閣名勝志水南城北門名也閣在其上金潤記南安介萬山間得掌平之地為郡治門臨清流其上有樓高出霄漢下有重灘萬派百折入江嵐煙與旭日相銜青螺翠黛隱隱重重雖畫圖不如

按林志作江山佳麗樓

玉潭館明一統志在南康縣西三十里宋寶祐間建
銀渡館明一統志在南康縣西三十里宋寶祐間建

瑞露軒明一統志在南康縣治宋令陳廷傑有善政甘露降於古松因以名軒

蒙川館名勝志城東南二里為東山山半為真覺寺寺之檐有泉鑿為曲水蒙川館在其上旁有下馬松醉石

按蒙川先生劉黼為太學生時劾丁大全之奸安置南安軍及少帝航海與陳宜中俱至羅浮病卒明太宗張弼作館表章之

大傳營林志在上猶縣西北牛田里久廢

南安塞兵萬戶府名勝志在府治西宋僉判廳元置萬戶府於此舊有碑刊烟瘴藥方其上今為民居

玉池坊名勝志水南之西管界都有玉池坊池產青蓮其蕊差小不結房色如碧玉與凡蓮迥異地勢高洪水不能及故有水滿玉池蓮之識

釣月臺名勝志大庾西十里有西華山之澗兩峰及底俱石名曰石澗無魚蝦弘治中知府鄧公闢澗傍得

一石甚平命曰釣月臺

李相亭名勝志在上猶縣北騰龍嶺明成化間知府張弼因宋相李綱曾經過此立李相亭其上

東山寺鐘明一統志在上猶縣西童子保昔有大鐘形旋如蛟一夕忽飛去墮於相陂潭見者以告遣人沒出之則化為真蛟蜿蜒可怖竟不敢近至今水泛數十里間鐘然聲震虛谷時有見之者形猶鐘也

贛州府

贛縣故城太平寰宇記漢高六年使灌嬰畧定江南為贛縣立城以防趙陀今州西南益漿溪故城是也

廢陂陽縣太平寰宇記在虔化縣東一百五十里吳嘉禾五年置揭陽縣晉太康五年改為陂陽縣以陂陽水為名隋開皇十三年廢入寧都

葛姥故城虔州圖經章貢二水合流為贛其間置邑因為贛縣晉太康末洪水橫流忽有大鼓隨波而下入葛姥故城衆力齊曳蹲而不動卜於其地置縣吉遂

徙以就焉輿地志葛姥者漢末避黃巾賊出自交趾
貲財巨萬童僕數千於此築城為家沒後有靈異人
因立祠祀焉

南康郡故城太平寰宇記東晉永和五年太守高珪置
郡城於章貢二水間義熙七年徙於贛水東梁承聖元
年復於章貢間宋為南康國梁陳皆為南康郡隋平
陳改為虔州名勝志舊城基在狀華坊今古城巷是
雩都故縣林志有二一在縣西北五里西漢建一在縣

東南仙桂里大昌村陳永定間建

寧都故縣林志有三一在縣治南五十里白鹿營吳建
一在縣治北陽田營晉建一在十二都徐觀劉宋建
玉臺南康記君山上有玉臺方廣數丈周圍盡是白石
柱自然石覆如屋形也四面多松杉遙眺峩峩嚮像
羽人之館風雨之後景氣明淨頗聞山上有鼓吹之聲
神闕南康記歸美山去安遠縣西南三百里下有石城
高數丈有一門門外有二石夾左右高數百尺遠望

嵯峨靈闕騰空故老謂之神闕

金雞穴南康記山臨貢水石色如霞其傍有穴廣四尺
一石正當穴口如彈丸嘗有金雞出入此穴晉義熙
中再三出見有人挾彈放丸於穴口化為石其雞至
今不見因號曰金雞穴宋永初中雞又見栖翔於此
石井南康記盤固山有石井井側有大銅人恒守之五
百年水一湧起銅人高數丈銅人以手掩之其水即止
石室輿地志贛縣黃唐山有石室如數千間屋上通天

窓下有方榻者二石人中櫛而坐傍有小石室七所
相連悉有石入室前時有車馬跡春夏草不生無諸
毒蟲林木繁茂水石幽絕蓋靈仙之窟宅也山下居
人每丙日輒聞笳鼓簫樂之音鄧德明云有石子如
彈丸聚在山角至丙日不見他日復有

石寶穴府志在雩都縣瀕江舊傳有黃衣人候舟乞食
於篙師既飽唾去竟入石中回視所唾皆金

鬱孤臺名勝志一名賀蘭山在府治麗譙坤維百步隆

阜鬱然孤峙故名唐李勉為州刺史登臺北望慨然
曰余雖不及子牟心在魏闕一也鬱孤豈令名乎乃
易扁為望闕豫章書宋紹興丁卯郡守曹慥增砌二
臺南曰鬱孤北曰望闕林志明洪武初即臺平治建
嶺北道署後徙改為察院正德間知府邢珣因議者
謂此臺秀拔闕一郡文運遷察院於城西文筆聳然
復舊嘉靖中汪御史尚寧又加培築

萬壑臺唐書建中三年刺史路應請建定遠縣築臺縣

治內曰萬壑臺

鍾紹京書堂名勝志在東巖去興國縣東北三十里石
案石硯具在靈湖有鍾手放巨魚帶以銅環人時見
之

衷愉舊廬名勝志在君子峰下去寧都縣北二十里南
唐御史大夫衷愉結廬奉母隱此

拜將臺林志在南城下後唐節度使盧光稠築址尚存
柏林書樓李泰伯記石城鄉進士溫革奠居柏林因作

講學堂房數十楹攻位之日獲五銖錢五萬於地士友珍之或以青錢名其館凡書在國子監者皆市取且為樓以藏之

章貢臺趙抃記水別二派合流城郭於文為賴子嘉祐六年出守間為觀遊治西北隅有野景亭舊址於是復臺其上以新其名為章貢蓋不失其實也

石樓林志去府治一里蘇軾八境臺詩坐看驚湍遠石樓即此

八境臺贛州志在郡治東北下瞰奔流蘇文忠集孔君
宗翰始作石城城上有樓觀臺榭東望七閩南望五
嶺覽羣山之參差俯章貢之奔流新志康熙二年燬
於火虔院林天肇虔鎮姚自強鼎建四十四年知府
朱光圉重修

阜蓋樓名勝志在翠玉樓左文信國詩一水樓臺繞半
空圖畫開

白鵲樓贛州志在八境臺北趙清獻記云望闕鬱孤軒

豁於前阜蓋白鵲瞰臨左右

螺亭太平寰宇記螺亭石山巨石臨水螺殼無數凝結

石畔

塵外亭虔州志馬祖巖上有馬禪關及雲端駒巖一憩

塵外四亭

鳳凰臺林志在府治龜岡與章貢鬱孤同建後為民居

宋寶慶間州守聶子述復之又堙府志明隆慶間知

府黃宸復建亭堂於上通判廖憲增置諸生書舍都

御史張雨記

昇仙臺名勝志在石城縣太極觀後相傳宋大中祥符間徐王二道士登仙於此

釣臺府志在雩都縣需巖西宋邑人王鴻釣魚處手篆猶存

熙熙臺宋杜東記在明覺院東北隅臺處阜巔四面廣袤皆四丈獨立而無朋居高而不峻政與縣治對

登春館杜東記熙熙臺側廳事堂舍名曰登春蓋嘉定

八年寧都令廖益仲創以待客之沓至者

七松亭林志在府治後有宋趙抃手栽七松

東樓林志在府治東宋州守趙抃建扁曰思賢嘉定間
趙時逢改名

濂溪閣府志在雩都縣南五里善山上宋周敦頤倅虔
時曾遊此賦詩邑令沈希顏因建此閣頂有高山仰
止亭

王鴻隱居府志雩都縣南四十里為需巖宋孝廉王鴻

隱居在馬鴻工篆籀有泉曰龍光液松曰甘露松皆
鴻表也木樨巖在其下有池曰需塘左涵虛洞右釣
魚臺又里許為墨煙巖曲徑盤旋松竹茂密亦鴻所

闕

望需亭府志在雩都縣城西隅宋縣令張宗諤招邑人
王鴻于需巖不能致乃作亭以望之

豫源館林志在府城西宋郡守趙時逢建

竹林隱居府志在寧都縣即延春谷為孫勰孫勵舍蘇

軾榜其名

六友堂輿地紀勝宣和壬寅鄧衍知寧都於縣之圓通院建六友堂蓋同時丞方庭實簿張參東尉俞誼西尉方棗監務何常併衍六人同登政和甲午進士科云畫錦亭名勝志在延春谷去寧都縣南里許其下即贛江也

水竹幽居名勝志在贛管谷去寧都縣西北七里宋儒曾興宗築修竹數十畝翠篠蒙密中有飛來獅子二

峯翠巖釣臺瓢泉諸勝朱子詩有寄題梅川草堂即指此谷

瑞蔭亭夸堅志信豐縣水南有瑞蔭亭亭前兩巨樟相去百餘步其高拂雲紹興癸丑秋大水浸縣兩樟之間為水淘洗露出一連理枝自東徂西長四十五丈枝下去地丈許

瀨江亭石湖集陳季陵新作亭李正之榜曰瀨江要子為詩

袞衣葺燾堂林志翠玉樓下留元剛昔從乃祖魏公出
守後又迎父越師公就養故名真德秀記

翠玉樓名勝志在府治後舊名逍遙宋淳熙間州守留
正重建取蘇軾山為翠浪湧水作玉虹流句名之文
信國有詩

潔襟亭名勝志在寧都縣西南一里縣令鄧衍建以覆
陸公泉者

揖仙閣林志在石城縣東舊名雙溪宋寶慶元年知縣

事黃岌重建以面劉仙姑嶺名也

章貢道院楊萬里記慶元五年括蒼張公貴謨來尹不期年而民間不信治以最聞乃指其燕喜之堂曰此吾州之道院也遂易其扁曰章貢道院

筠坡宋程實之記族子誠叔築室於里居西倚阜東瞰湖雷溪縈之金山屏之花木薦芳雲物効竒水石逞秀其諸瓌竒殊特之秀觀得於晦明涼燠之變者總總也而筠坡是名

尊己堂宋程實之自記自年大以來闕讀書之堂取韓
子以衆人待其身而以聖人望於人之戒扁曰尊己
以為存心養性修身立命之所焉

合江樓林志在府東北據章貢合流宋州守留元剛建
文信國詩雙江日東下我欲賦歸舟

鑑書樓府志在信豐縣東三十里武山下巖壑幽邃地
名竹邨宋時所建

議道堂林志在府學西宋紹聖中提刑程筠建左為松

軒右為竹軒李朴記

廉泉亭廉泉紀事在府城東南宋州守趙履祥建明隆慶戊辰知府黃宸重修王太史弘誨記

瑞洲樓府志在興國縣東瑞洲壩上宋嘉定中縣令李伯堅建明正德中壩為水壞樓廢

宣明樓府志在府城鬱孤臺左宋嘉定丁丑州守留元剛建樓於甕城明洪武初知府婁仲修扁今名正德乙亥知府邢珣重修顏曰章貢偉觀嘉靖壬午知府

羅輅又改宣明曰宣化萬曆辛亥災知府陳宗愈楊瑩鍾相繼修復仍名宣明

覽秀亭府志即四望亭在信豐縣西南城上高據一邑
宋嘉定三年縣令萬億建

勤王壘名勝志興國縣衣錦鄉有文信國勤王壘累石
為墉三層具隘上署都督行府基尚存

六和精舍名勝志去會昌縣西南七里邑人尹天民讀
書處前有石窓石鼓瀑布水簾試劍石六和精舍

清獻堂明劉鴻記洪武中聿新郡治為堂其北以休寮
宋榜曰清獻示景行也

崆峒山房王禕記贛城劉君宗弼之居南望崆峒近在
目睫故讀書之室名曰崆峒山房及出而仕使節所
至即以向之名書室者為所居之扁焉曰吾以志鄉
土之思也

凌雲亭林志在金精山漢女仙張麗英飛昇之所明正
統間建

紅雲閣在會昌縣城內明梁潛詩一上高樓望眼睽遠
山如畫絢晴霞

鎮山樓府志在安遠縣治後明弘治癸丑知縣甘文紹
鑿山為城建樓以鎮之

天一閣府志在州前與城外火筱山相對鑿井閣下取
以水制火之義明正德丙子知府邢珣重建布政使
蔣曙題名

陽明小洞天名勝志贛城西二十里通天巖嵌石如房

巖洞高廣宋元祐中郡人陽行先隱此明正德丁丑
贛撫王守仁平龍川剽寇班師遊此作平南記刻洞
壁扁曰陽明小洞天

盧子占故宅金堡詩虔州有清池長夏生水霜當年盧
少叅舉族斯淪亡

勤政樓府志在雩都縣治前明嘉靖丙辰知縣羊修移
禁鐘於上萬厯癸未災知縣劉昌祚重建顏曰勤政
李涑記之

國朝康熙乙亥燬知縣趙愨重建

太極亭府志在府西濂溪祠後明萬曆甲辰都御史張
岳建列王守仁所書太極圖說大學古本序及中庸
說諸石刻於中楊起元記

毓秀臺府志在瑞金縣北二里上有閣明萬曆丁酉知
縣林德廣建歲久臺北閣廢

國朝康熙癸未知縣田俞倡紳士修復蒼松環繞峰巒
屏列後有寺魚磬梵唄聲隱隱從臺下出每當重九

邑人多攜酒吟眺於此

來星閣府志在信豐縣東七里明天啟乙丑知縣蔡自

強重建與邑人為文會觴詠其上曰香山社後燬康

熙壬午知縣張執中追復舊址累石為臺重建崇閣

於

皆春堂董超記在贛邑治後今令五羊何侯所扁也

黃芝園名勝志在瑞金縣南里許雲龍山麓嘗產靈芝

有黃雲覆之

江西通志卷四十二

欽定四庫全書

史部

江西通志卷四十三

詳校官監察御史臣左周

檢討臣德生覆勘

總校官知縣臣楊懋珩

校對官典簿臣劉景岳

謄錄監生臣龔輝遠

欽定四庫全書

江西通志卷四十三

封爵表

五等列爵躬桓蒲穀載啟王封等踰而六酬庸異姓敘叙九族鄱陽豫章舊稱蕃服自漢迄明或除或續歷代靡常爰徵實錄開國論功本樹喬木計戶實食用班重祿聊仍表例以存往躅作封爵表

西漢

始封世

次國

除郡

屬

九江王黥布

史記列傳六人十一年謀反伏
也姓英氏項王誅國除

史記漢七年立
為淮南王都六

九江王

九江廬江衡山
豫章皆屬焉

衡山王吳芮

史記列傳秦番
賜令甚得民心
號曰番君項羽
相王以芮率百
粵佐諸侯從入
關故立芮為衡
山王項羽死上
以其將梅鋗功
多故德芮徒為
長沙王都臨湘

孝文後七年
薨無子國除
按漢書地理志
是時衡山與豫
章同屬淮南並
非屬豫章郭表
特以芮有番君
之號故假借采
入姑從之

十萬戶侯梅銜

一年薨謚曰文
王子成王臣嗣
薨子哀王回嗣
薨子共王右嗣
薨子靖王羌嗣
○按羌豫章書
作差誤從史記
改正

史記吳芮傳雷
人沛公攻南陽
迺遇芮之將梅
銜與偕攻析郟
降之及項羽相
王以銜功多封

安成侯劉蒼

十萬戶為列侯

漢書王子侯表五鳳二年坐與名勝志今安福
長沙定王子元姊亂下獄死國縣屬吉安府

光六年七月乙巳封十三年薨

諡曰思元鼎元

年節侯自當嗣

自當薨侯壽光

嗣○按縣志有

安成侯韓延年

考史記延年封

成安並非安成

刪去

宜春侯劉成

漢書王子侯表元鼎五年坐酎
長沙定王子元金免國除
章郡○今屬表

海昏侯劉賀

光六年七月乙巳封

漢書王子侯表昌邑哀王子元康三年四月壬子以昌邑王封神爵三年薨坐故行淫辟不得置後初元三年釐侯代宗以賀子紹封原侯保世嗣侯會邑嗣免

增 樂平侯劉訢

漢書王子侯表淮陽憲王子陽

州府

漢書地理志豫章郡○按即今建昌縣屬南康府

漢書郡國志屬鄱陽郡○按郡

朔二年閏六月
壬午封病狂易
免元始元年二
月丙辰侯園以
憲王孫改封外
黃八年免

增
樂平侯劉永

漢書王子侯表
河間孝王子綏
和元年六月丙
寅封十六年免

南昌侯劉宇

漢書王子侯表
河間惠王子建
平二年五月丁
酉封十三年免

建成侯劉拾

漢書王子侯表
長沙定王子元

邑凡今昔異名
或昔有今汰者
悉為攷注以便
省覽其曉然在
人耳目者概不
復注後倣此

豫章書今瑞州
府高安縣

朔四年三月乙丑封元鼎二年坐使行人奉璧皮薦賀元年十月不會免

增
高胡侯陳夫

漢書功臣表以程薨無子國除

名勝志高胡山

乞

辛從起杠里入漢以都尉擊籍

名在瑞州府城北七十里

將軍定燕千戶六年封二十五年薨孝文五年煬侯程嗣

增
建成侯呂釋

史記高祖功臣八年反誅國除

八年反誅國除

之

以容從擊三秦
漢王入漢使釋
之還豐沛衛太
上皇高祖六年
四月丙戌封釋
之為建成侯九
年薨謚曰康孝
惠三年侯則嗣
七年有罪免高
后元年四月乙
酉封則弟種奉
呂宣王國七年
更為不其侯

增
樂平侯衛無

漢書功臣表以建元六年坐買
隊卒從起沛屬田宅不法又請

擇

皇訢以郎擊陳 昧吏罪國除

餘用衛侯六百

戶高后四年四

月丙申封三年

薨謚曰簡六年

共侯勝嗣四十

一年薨孝景三

年侯侈嗣

增
臨汝侯楊無

史記高祖功臣元光二年有罪漢書地理志屬
侯年表赤泉侯國除 豫章郡

害

楊喜之後孝景
中五年復封無

害為臨汝侯

增
東城侯居股

漢書功臣表以延和三年坐衛班表注九江
故東粵繇王斬太子舉兵謀反

東粵王餘善侯腰斬
萬戶元封元年
閏月癸卯封

增
弋陽侯任宮

史記建元以來
侯者年表以故
上林尉捕格謀
反者左將軍上
官桀殺之便門
封為侯二千戶
後為太常及行
衛尉事節儉謹
信以壽終傳於
子孫

宜春侯衛伉

漢書外戚恩澤五年關入宮免
侯表元朔五年為城旦

地理志鄱陽郡

增

宜春侯王訢

四月丁未以青
 功封元鼎元年
 坐禱制免太初
 元年不害嗣侯
 史記建元以來
 侯者年表訢家
 在齊本小吏佐
 史稍遷至右輔
 都尉武帝數幸
 扶風郡訢共置
 辦拜為右扶風
 至孝昭時代桑
 弘羊為御史大
 夫元鳳三年代
 田千秋為丞相
 封二千戶立二

更始元年為兵
 所殺國除

年為人所上書
言暴自殺不殊
子代立為屬國
都尉漢書外戚
恩澤侯表以丞
相侯子譚與大
將軍光定策益
封坐法削戶五
百定六百八戶
元鳳六年薨康
侯譚嗣四十五
年薨孝侯成嗣
十八年薨釐侯
章嗣十八年薨
侯強嗣二十六
年

增
樂平侯許翁

孫

史記建元以來
侯者年表以平
恩侯許廣漢少
弟故為侯封二
千戶拜為彊弩
將軍擊破西羌
還更拜為大司
馬光祿勳亦故
有私恩故得封
嗜酒好色以早
病死子湯代立

增
曲陽侯王根

漢書外戚恩澤
侯表河平二年
六月乙亥以皇
太后弟闕內侯

班表注九江○
按漢九江所轄
甚廣非今之九
江府也第九江

安成侯張普

三千七百戶再
以大司馬益封
七千七百戶帝
又益二千四百
戶二十一年薨
謚曰煬建平元
年侯涉嗣王莽
篡位更為直道
公為莽所殺

按太平寰宇記
九江太守賈萌
與安成侯張普
共謀王莽普反
告莽收萌殺之
漢書不為普立

王布既已采入
豫章此班表明
注曰九江者例
得並錄矣故著
于表

傳疑或以此然
攷王莽傳末九
江連率賈萌守
郡不降為漢兵
所殺則普世謀
害萌又難徵信

右西漢共二十一人從史漢采增者十二人

東漢

始

封世

次國

除郡

屬

安成侯鮑期

漢書列傳潁川
邾人光武即位
封安成侯食邑
五千戶建武十

安平侯蓋延

年卒謚曰忠子
丹嗣後徙封葛
陵侯

漢書列傳漁陽永平十三年坐名勝志即今安
要陽人建武二與嗣舅王平謀福縣屬吉安府
年以虎牙將軍反伏誅國除

更封安平十三
年增定食萬戶
十五年薨子扶
嗣卒子側嗣

宜春侯劉匡

漢書宗室傳中傳國至孫獲無
山王劉茂弟匡子封絕
亦與漢兵俱起
建武二年封宜

安成侯劉賜

春侯永平中子
浮嗣封為朝陽
侯

漢書列傳光武
族兄光武即位
西之武關迎更
始妻子將之洛
陽帝嘉賜忠建
武二年封為慎
侯十三年更增
戶邑定封為安
成侯二十八年
卒謚曰孝侯子
閏嗣卒子商嗣
徙封白牛侯卒

子昌嗣

增
餘汗侯陳靖

人物志餘汗人
憤王莽篡漢招
集義兵赴王常
署為典軍校尉
御載有方常見
光武首言靖功
授散騎常侍封
餘汗侯

增
族亭侯張遐

鄱陽記餘汗人
舉孝廉補郡功
曹不就建寧間
名為學士以疾
還卒贈族亭侯

漢書地理志鄱
陽郡

按太平寰宇記
族亭湖名在餘
汗縣屬饒州

增
赭亭侯李愔

太平寰宇記後
漢建武十六年
車騎將軍李愔
封為赭亭侯食
邑弋陽築城立
亭焉○按漢書
有李恂傳而無
李愔樂史不知
何據至食邑弋
陽疑亦從後湖
之而云然東漢
尚無是邑也錄
入以俟再攷

名勝志赭亭山
在今弋陽縣東
七十里屬廣信
府

海昏縣侯沈戎

宋書沈約自序
先世祖戎字威

地理通釋即南
康府建昌縣

南昌侯孫權

卿以州從事說
降劇賊漢光武
嘉其功封為海
昏縣侯○按唐
書宰相世系戎
沈靖之子也後
漢光祿勳以九
江從事降劇賊
尹良封海昏侯
辭不就

三國志孫堅次
子建安二十四
年十二月曹操
表權為驃騎將
軍假節領荊州
牧封南昌侯黃

宜春侯彭翼

初二年十一月
封為吳王吳黃
龍二年即皇帝
位

宜春侯施游

林志宜春人獻
帝朝歷官建平
長沙北海三郡
太守封宜春侯

林志宜春人任
為太常博士安
南將軍歷九江
太守封安成郡
宜春侯

增
安平王劉理

三國志後主庶
弟也建興八年

改封安平王延
熙七年卒謚曰
悼王子哀王胤
嗣十九年卒子
殤王承嗣二十
年卒景耀四年
以武邑侯輯襲
王位○按王以
延熙七年卒縣
志作延熙八年
封說今改政○
再按江西在三
國盡為吳地理
之封王當非吉
安之安平并為
拈出以俟攷正

右東漢共十二人內采增者四人

吳

始

封世

次國

除郡

屬

西安鄉侯朱然

三國志朱治妙子本姓施建安

二十四年從討

關羽封西安鄉

侯赤烏十二年

卒子績嗣五鳳

中表還為施氏

建衡二年卒

三國志汝南細

陽人初封宛陵

南昌侯呂範

欽定四庫全書

江西通志

七

豫章書今武寧縣屬南昌府

年春正月卒

增
豫章王孫靈

三國志元興元年十月封休太子靈為豫章王

豫章書今南昌府

右吳共四人內采增者一人

晉

始

封世

次國

除郡

屬

豫章郡王司馬

晉書懷帝紀武帝第二十五子太熙元年封豫章郡王永興元

熾

年十二月己亥
立為皇太弟光
熙元年十一月
癸酉即皇帝位
七年正月遇弒
崩于平陽謹懷
帝十三王傳子
詮初封上庸王
懷帝即位更封
豫章王二年立
為皇太子洛京
陷没于劉聰弟
端初封廣川王
詮為皇太子轉
封豫章王洛陽
陷没東奔荀晞

晞立為皇太子
七十日為石勒
所沒

增
樂平王司馬

晉書列傳文帝
同敗廢國除

元和郡縣志後

鑿

子武帝踐祚封
為樂平王七年
薨子殤王籍立
薨無子齊王回
以子水紹鑿後

漢靈帝置即餘
汗地

增
安平王司馬

晉書列傳宣帝
弟武帝元年封
卒謚獻

孚

增
樂平王司馬

晉書列傳文帝
尋薨無子國除
子少有篤疾不

延祚

任封爵太康初
詔封為樂平王

增

臨川王司馬

晉書列傳簡文

帝子年十七而

薨寧康中追封

臨川郡王謚獻

以武陵威王曾

孫寶為嗣宋興

降西豐侯

郁

增
南安縣侯阮

晉書本傳咸子

明帝即位從平

王敦賜爵南安

縣侯咸和初卒

無子從孫廣嗣

孚

名勝志三國吳
始置南安縣屬
南部都尉

尋陽縣侯周訪

建城縣公周撫

<p>晉書本傳安成人元帝時以征杜弼功賜爵尋陽縣侯太興三年卒贈征西將軍謚曰壯子撫</p>	<p>穆帝本紀永和五年夏四月益州平封周撫為建城縣公興寧三年卒贈征西將軍謚曰襄子楚嗣卒謚曰定子瓊嗣卒子虓嗣寧康初降于苻堅太元三年</p>
---	---

地理志屬江州

豫章郡

謀襲堅事泄徙于太原以病卒
詔贈龍驤將軍

柴桑侯陶侃

晉書本傳鄱陽人初封東鄉侯後以擊破杜弘等功封柴桑侯邑四千戶蘇峻平改封長沙郡公咸和七年六月薨追贈大司馬謚曰桓子瞻為蘇峻所害以瞻息弘襲爵卒子倬之嗣卒子

晉書地理志尋陽郡寰宇記今瑞昌縣柴桑之舊域也

延壽嗣

新建縣侯溫式

見溫嶠傳後式之嶠次子

按太平寰宇記屬巴山郡即今之崇仁縣非南昌之新建也

之

南昌郡公邳鑒

成帝本紀咸和四年三月壬子邳鑒為司空尉與毅同誅國

封南昌郡公咸除康五年八月辛酉薨贈太宰謚文下子愔嗣太元九年卒謚文穆子超先卒以從弟子僧施嗣

豐城公桓沖

晉書本傳彝第五子以從溫破姚襄及虜周城進號征虜將軍賜爵豐城公卒贈太尉謚宣穆○按穆帝本紀升平四年十一月封

地理志屬豫章郡

增 宜陽縣開國

侯桓謙

晉書本傳沖次子以父功封宜陽縣開國侯元既用事改封寧都侯桓振作亂奔姚興後至蜀

晉書地理志吳平改宜春為宜陽仍屬安成郡

彭澤縣侯王舒

為劉道規所殺

宋受禪國除

晉書本傳導從弟蘇峻平以功封彭澤縣侯尋卒贈車騎大將軍開府儀同三司謚曰穆長子晏之蘇峻時被害晏之子崑之嗣

增
宜陽伯張闓

晉書本傳丹陽人以佐翼勲賜爵丹陽縣侯蘇峻平賜爵宜陽

興平伯陸玩

嗣 縣伯尋卒子混

晉書地理志廬陵郡

增 康樂伯陶回

晉書本傳蘇峻反玩與兄暉俱守官城玩潛說匡術歸順以功封興平伯卒謚曰康子始嗣

晉書地理志豫章郡○按即今高安縣屬瑞州府

晉書本傳丹陽人蘇峻之役回收合義軍并力攻峻又別破韓晃以功封康樂伯咸和二年卒謚曰威子汪嗣

建昌縣公謝安

晉書本傳陳郡人時苻堅強諸將敗退相繼安遣弟石及兄子元等應機征討所在克捷拜衛將軍開府儀同三司封建昌縣公卒贈太傅謚曰文靖子瑤襲爵早卒子該嗣該卒無子以弟模子承伯嗣孝武本紀太元十年十月論淮淝之功追封安廬

晉書地理志豫章郡○按今屬南康府

望蔡公謝琰

陵郡公

晉書本傳安子
以破苻堅功封
望蔡公隆安三
年孫思入會稽
與二子肇峻俱
被害贈侍中司
空謚曰忠肅子
混襲爵

後混以黨劉毅
誅國除

晉書地理志豫
章郡○按即今
高安縣屬瑞州
府

建昌侯謝峻

晉書本傳琰次
子以琰勲封建
昌侯及沒於賊
詔贈散騎侍郎
宋書謝弘微傳
從叔峻無子以

康樂縣公謝玄

弘微為嗣義熙
初襲峻爵

晉書本傳安從
子以平充青司
豫勳封康樂縣
公卒贈車騎將
軍開府儀同三
司謚曰獻武子
煥嗣早卒子靈
運嗣宋書武帝
本紀永初元年
降封縣侯

豫寧伯謝玩

晉書本傳元請
以先封東興侯
賜兄子玩詔聽
之更封玩豫寧

按寰宇記即今
武寧縣屬南昌
府

增廣信侯戴逵

伯

見謝安傳後始從元征伐者何謙戴逵並驍果多權畧逵以軍功封廣信侯

南康郡公謝石

晉書本傳萬之弟征句難以勳封興平伯淮淝之捷更封南康郡公卒贈司空謚曰襄子汪嗣早卒從兄沖以子明慧嗣為孫

宋受禪國除

按今廣信府建自有明漢時為餘汗葛陽地而史冊自晉以後封廣信侯者不一未詳何屬

按晉書地理志太康三年罷都尉立南康郡今零都贛縣即其理所

豐城侯羊鑒

恩所害明慧從
兄復以子萬嗣

豐城縣子劉楨

晉書本傳成帝
即位豫討蘇峻
以功封豐城縣
侯徙光祿勳卒

永修縣侯桓伊

晉書本傳掖人
蘇峻作亂楨守
湓口事平以勳
贈爵豐城子後
為郭默所害子
赤松嗣

晉書本傳譙國
宋受禪國除
錚人初以功封
宣城縣子及破
堅於淝水進封

按永修晉豫章
郡屬縣即今南
昌府寧州

永修縣侯卒謚曰烈子肅之嗣卒子陵嗣

新淦縣公諸葛

長民

晉書本傳陽郡人從裕討桓玄以功封新淦縣公食邑二千五百戶安帝本紀義熙九年三月為劉裕所害

按元和郡縣志漢舊縣南部都尉所居今屬臨江府

安成郡開國公

何無忌

晉書本傳義熙二年以興復之功封安成郡開國公食邑三千

南豐侯郭澄之

戶安帝本紀六年三月壬申與盧循戰死贈侍中司空謚忠肅子邕嗣○按齊書高帝本紀建元元年降萍鄉縣侯為伯以繼何無忌後意萍鄉即是當年食邑越宋而齊傳國不絕世系之賢可知矣惜乎其不可考也

晉書本傳陽曲人義熙末從裕

廣晉伯司馬愔

北伐還封南豐侯卒于官

宋滅晉國除

晉書地理志鄱陽郡○按即今饒州

豫章書永和中以父譙王無忌平李甄功封早卒兄恬子允之嗣桓元反遇害從弟康之子文惠嗣

晉興縣侯何準

晉書本傳穆皇后父永平元年追封晉興縣侯子校表讓不受次子放嗣

按地理志屬鄱陽郡即今饒州府安仁縣

增
建昌縣侯王

蘊

晉書本傳以孝
武皇后父封太
元元年卒

西昌侯桓偉

太平御覽晉中
興書哀帝以平
袁貞功賜溫子
偉為西昌公○
按晉書桓溫六
子熙濟俱以謀
殺沖徙長沙韻
爵臨賀公元嗣
溫爵祿愚不辨
菽麥偉西昌侯
豫章書作偉從
晉書本傳作祿

按輿地廣記西
昌屬廬陵郡即
今泰和縣

說今考正

增
豫章公桓玄

晉書本傳溫弟
六子以平元顯
功封豫章公食
安成郡安帝本
紀元興三年五
月壬午斬于貊
盤洲

增
豫章郡公劉

晉書安帝本紀
義熙二年十月
論匡復功封裕
為豫章郡公元
熙二年受宋禪
即皇帝位是為

裕

豐城縣侯朱齡

石

宋武帝

沛人晉書安帝本紀義熙十年七月以平蜀功封豐城縣侯食邑千戶十四年赫連勃勃敗王師于潼關齡石死之宋書本傳子景符嗣卒子祖宣嗣坐輒之封八年不反及不分姑國秩奪爵以祖宣弟隆紹封

齊受禪國除

興平縣侯朱超

石

見朱齡石傳後
弟超石義熙十
二年以北伐功
封興平縣五等
侯關中擾亂高
祖遣超石慰勞
河洛值齡石自
長安東走超石
濟河就之與齡
石俱沒

吳平縣子胡藩

宋書本傳南昌
人以從征鮮卑
討盧循類職有
功封吳平縣五
等子少帝景平
十年卒謚壯侯

坐諸弟不法奪
爵

晉書地理志豫
章郡○按即今
新喻縣

永新縣男劉鍾

子隆世嗣卒子乾秀嗣

宋書本傳彭城人以平廣固功封永新縣男食邑五百戶元熙元年卒子敬義嗣卒子國重嗣

齊受禪國除元和郡縣志吳置縣屬安成郡

高昌縣男劉敬

順

見劉鍾傳後子敬順以父平蜀功封高昌縣男子須嗣

須卒無子國除

晉書地理志廬陵郡

宜陽縣侯檀韶

宋書本傳高平金鄉人初平桓元封巴邱縣侯以討盧循并論

緒卒無子國除

西昌縣侯檀祗

廣固功更封宜
陽縣侯食邑七
百戶永初二年
卒追贈安南將
軍子緒嗣卒

見檀韶傳弟祗
以討盧循桓元
功封西昌縣侯
食邑千戶義熙
十四年卒贈撫
軍將軍謚威侯
子獻嗣卒無子
次子朗紹封卒
子宣明嗣卒子
起嗣

齊受禪國除

鄱陽縣侯孟懷

王

宋書本傳安邱人以平京城功

章郡

封鄱陽縣侯食

邑千戶義熙三

年南平盧循又

封陽豐縣男食

邑一百五十戶

十一年卒追贈

平南將軍子元

嗣

陽豐縣男孟慧

南史以懷王次

子襲封坐廢祭

祀奪爵子宗嗣

熙

增
平昌縣子孟

見孟懷王傳後
弟龍符以江乘

齊受禪國除

晉書地理志屬廬陵郡○按即今吉安府永豐縣

郡縣釋名今建

昌府廣昌縣

龍符

羅落覆舟三戰並有功封平昌縣五等子高祖代廣固與賊爭水被害追封臨沅縣男食邑五百戶無子以弟仙客子微生嗣元嘉中有罪奪爵以弟彥祖子佛護襲爵

增
東興縣侯劉

懷肅

宋書本傳彭城人義熙二年以功封東興縣侯食邑千戶三年

郡縣釋名今建昌府南城縣

南城縣男劉懷

慎

卒贈左將軍無
子以弟懷慎子
蔚祖嗣卒子道
存嗣景和中下
獄死

宋書本傳義熙
十一年以平廣
固盧循功封南
城縣男食邑五
百戶永初元年
以佐命功進爵
為侯增邑千戶
景平二年卒追
贈撫軍謚肅侯
子德願嗣

永光中下獄誅

寰宇通志漢縣
舊屬豫章

新興縣侯劉道

憐

宋書宗室傳裕
 中弟義熙三年
 以義勳封新興
 縣五等侯四年
 以破索度真功
 封新淦縣男食
 邑五百戶永初
 三年六月薨贈
 太傅謚曰景子
 義欣嗣元嘉十
 六年薨謚曰成
 子瑾嗣為元凶
 所殺子粲早夭
 以粲弟纂嗣昇
 明二年薨

按寰宇通記晉
 廬陵郡即今吉
 安府龍泉縣

增
建城縣男吉

翰

望
蔡縣男虞邱

進

宋書本傳馮翊池陽人初隨道憐北征廣固賜爵建城縣五等男元嘉七年卒追贈征虜將軍

宋書本傳東海蔡受禪國除

以前後功封望蔡縣男食邑五百戶永初三年卒追論討司馬休之功進爵為子增邑三百戶子耕嗣卒子襲祖嗣卒子世寶

新淦縣侯王仲

德

安道縣侯王元

德

嗣

宋書本傳太原
祁人以破盧循
功冠諸將封新
淦縣侯宋武即
位思佐命功增
邑二千二百戶
元嘉十五年卒
謚曰桓子正修
嗣為家僮所殺

見王仲德傳後
凡元德以謀誅
桓元為元所害
元誅追贈給事

輿地廣記晉縣
名即今吉安府
安福縣

增
宜陽侯張劬

中封安復縣侯

見宋書徐羨之傳後上初即位思佐命之功詔曰西中郎司馬南郡宜陽侯張劬可封臨沮伯○按此則劬在晉當封過宜陽侯臨沮持宋初改封耳本傳卒謚簡伯子敷嗣卒無子弟東襲封

增
南昌縣侯劉

穆之

宋書武帝本紀
東莞莒人初以
平桓元功封西
華縣五等子義
熙十三年卒劉
裕表贈侍中司
徒封南昌縣侯
食邑千五百戶
○詳宋表

吉陽縣男庾闡

豫章書潁川鄢
陵人咸和四年
以平蘇峻功封
卒謚貞子肅之
嗣

輿地廣記吳置
縣屬廬陵郡即
今吉水縣

南昌縣子素豹

南史陳郡陽夏人義熙九年卒十年以叅伐蜀之謀追封南昌縣五等子子淑為元凶所殺諸子早卒以兄洵子顛襲封

新吳縣侯塗欽

豫章書氏族大全曰昔塗欽以功封新吳侯未詳何功○按明王材黎川集有塗欽傳論曰父子以忠厚傳家注云欽子順惜

地理志豫章郡
○按即今南昌
府奉新縣

建昌伯高悝

其集不全獨逸其傳名與此同又張昇作明大中大夫涂昇墓誌載晉有名輝者叙功封新吳侯名與此異又云晉末避亂去土從涂並錄存以備參考

豫章書廣陵人初為華軼西曹書佐元帝中興封建昌伯坐納妾致訟被黜卒子嵩疏復悝爵

右晉共五十八人內采增者十七人舊重出今并
者五人陶侃謝安謝玩謝石檀韶舊有今汰者四
人曲江男周光長沙公陶侃都亭侯陶夏郴縣伯
陶旗

江西通志卷四十三